



დღისმეშ

ემიგრანტთა განჯოგა – გადაკასილი მომავლის საქართველოსთვის

- **სულიერი ერთობით – ტერიტორიული მთლიანობისა და ძლიერი სახელმწიფოსაკენ**
- **ჩვენ ყველამ ერთად მოვიტანეთ დღევანდელი საქართველო**
- **ჩვენ დღეს ამ ქვეყნებში საქართველოს სრულუფლებიანი დესპანები ვართ**
- **ჩვენ უცხოეთმა გადაგვარჩინა, ჩვენ გადავარჩინეთ ჩვენი ოჯახები, ჩვენ ყველამ ერთად უნდა გადავარჩინოთ ჩვენი ერთიანი ოჯახი – საქართველო!**

ყოველ ერს, გარდა ზოგადკაცობრიული ღირებულებებისა და თვისებებისა, გააჩნია გამოჩენილი, მხოლოდ მისთვის დამახასიათებელი, ისტორიულად ჩამოყალიბებული თვისება, უფრო სწორად, ფსიქო-ფილოსოფიურ შეხედულებათა ერთობლიობა, რომელიც სხვა ხალხთა შეგნებაში არ არის, ან ნაკლებადაა წარმოჩინებული.

ქართველთათვის, ერთი ასეთი განსაკუთრებული თვისება ანტიკური დროიდან მოყოლებული, გახლავთ მშობლიურ მიწასთან, მშობელ კუთხესთან განშორების სიმძიმე.

მიუხედავად ხელსაყრელი გეოგრაფიული მდებარეობისა, საზღვაო და საქარავნო გზების შესაყარზე არსებობისა, ქართველი კაცი ყოველთვის ერიდებოდა შორეულ ქვეყნებში ხანგრძლივ მოგზაურობას, მითუმეტეს, ცხოვრებას. აკი შეგვარჩევს კიდევ ბრძენმა ელინებმა გეორგიანელები – ანუ მიწის შვილები.

ბედის უკუღმა ტრიალმა მსოფლიოს ერთი უძველესი და გამორჩეული ერის მეთხვი მიმოფანტა მსოფლიოს მრავალ კუთხეში, უპირატესად, ბებერ, კეთილ ევროპაში. მიუხედავად ამ ქვეყნების მოქალაქეების, მთავრობების, სასულიერო და პოლიტიკური პირების ცივილური და თბილი დამოკიდებულებისა, არ არის ტკბილი ის ლუკმა, რომელიც გვეძლევა მძიმე და ჩვენთვის არცთუ შესაფერი შრომის ფასად; ლუკმა, რომელიც აგერ ოცი წელია, საქართველოს დანარჩენი ბიუჯეტის ტოლია; ლუკმა, რომელიც უკლებლივ სამშობლოში იგზავნება ჩვენი ოჯახების შიმშილისაგან გადასაჩენად, ნათესავთა დასახმარებლად, ნაცნობ-მეგობართა მხარში დასადგომად.

ჩვენი არსებობა, დიხს, ფიზიკური არსებობა, წარმოუდგენელია საქართველოს გარეშე, რამეთუ სული და გული, გონი და აზრი მთლიანად სამშობლოში, ჩვენს ოჯახებში გვაქვს დატოვებული. ამაშია დიდი ერთობა ჩვენი ერისა, ამაშია სიძლიერე დროებით დასუსტებული ივერთ მოდგმისა, ქართლოსიანთა სისხლის ყივილისა, რომლის ფასიც მომეტებულად იცის იმ მიწამ,

საიდანაც დღეს გვინდა მივმართოთ მთელს დუნიაზე მიმოფანტულ ქართველებს.

სწორედ ელინისტურმა სამყარომ, კლასიკური მსოფლიო ცივილიზაციის აკანმა, ამცნო სხვა ერებს სიდიადე ანტიკურ პრე-ქართველთა. თანაც ისე ძალუმად, რომ თავის ტოლად და სწორად აღიარა აია-კოლხთა სამფლობელო მაშინ, როცა ყველა დანარჩენს ბარბაროსი უწოდა. აქ თითქოს თავისთავად გონებაში ტევტივდება არაერთი პარალელი, არაერთი მსგავსება... მხოლოდ მაკედონელ-არისტოტელესა და აღმაშენებელ-ჟეონდიდელის ტანდემმა მოღვაწეობის მსგავსება რად დირს!!!

ბოლო ათწლეულში განვითარებულმა მოვლენებმა, ჩვენი სამშობლოს რეალურმა თუ მოჩვენებითმა სვლამ ევროპული ცივილიზაციისკენ, ევროპული ცხოვრების ნამდვილი სახის გაცნობამ და პარალელების გავლებამ, საშუალება მოგვცა ფხიზლად შეგვეფასებინა ის პერსპექტივები თუ საფრთხეები, რომლებიც ჩვენი ერის წინ იშლებოდა წლების მანძილზე და ყალიბდება გასული წლის ცნობილი მოვლენების შემდგომ.

ჩვენ გვესმის, რომ 5-6 თვეში შეუძლებელია ყველაფრის რადიკალური შეცვლა. მით უფრო, როცა განუზომელია მასშტაბები პრობლემებისა, რომელიც ახალ ხელისუფლებას დახვდა. მაგრამ, მოგეხსენებათ, რაც უფრო დიდია მხატვრული ტილო ან ნაქანდაკები, მით უფრო შორიდან უნდა უცქირო. ჩვენ, სამშობლოში მარად დარჩენილ შორიდან მოცქერაღვთ გვეჩვენება: – მეტის გაკეთება შეიძლებოდა.

ჩვენი ხელისუფლებისაგან ათწლეულის მანძილზე ბედის ანაბარად მიტოვებულთ, სხვამ რა პატივი უნდა გვცეს. მითუმეტეს, კარგად ვხედავთ, თუ ჩვენი ბედში აღმოჩენილ სხვა ტომის ადამიანებზე როგორ მზუნველობას იჩენენ დროებით სიღუჭურეში აღმოჩენილი მათი მთავრობები. ამასვე ხედავენ მასპინძელი ქვეყნების ადგილობრივი მმართველებიც. ალბათ, ამითაც არის განპირობებული, რომ სამართლებრივად სრულიად დაუცველნი, ბევრ სიმწარეს ვაწყდებით. არაუშავს, ყველაფერს გაუშვლებთ, მაგრამ სად გაუმხილოთ, რომ ჩვენი ხელისუფლებამ წაგვართვა მოქალაქის უპირველესი უფლება – მონაწილეობა ქვეყნის მმართველობაში, მისი სამომავლო ბედის გადაწყვეტაში.

ევროპის თითქმის ყველა ქვეყნის პარლამენტში არჩეული ჰყავთ დეპუტატები საზღვარგარეთ მცხოვრებ თანამემამულეთა სათვისტომოებიდან. ჩვენ კი ხმის მიცემის უფლებაც კი შეგვიზღუდეს აბსურდული მოთხოვნებით, რაც პრაქტიკულად მოქალაქის ამ უპირველესი უფლების ჩამორთმევად გარდაიხსნა ჩვენს რეალობაში. და ეს მაშინ, როცა

ძალიან კარგად ვიცით, ვის ყულაბაში აღმოჩნდა ჩვენი მიუცემელი ხმები. ისიც კარგად ვიცით, დღესაც რატომ რჩება ეს საკითხი უცვლელად, ვინ და რატომ ლობიერებს ახალ ხელისუფლებაში პრობლემის ძველებურად დატოვებას.

ამის უფლებას კი უკვე ვერავის მივცემთ. ჩვენ ყველამ ერთად მოვიტანეთ პირველი ოქტომბერი 7 ნოემბრით, 26 მაისით... ყველამ ერთად, რამეთუ ჩვენი მეუღლეები, შვილები, ოჯახის წევრები იდგნენ იმ ბარიკადებზე, რომელსაც არბევდნენ, წამლავდნენ, ესროდნენ. როცა ვამბობთ – ჩვენ, ვგულისხმობთ არა მხოლოდ მიგრანტ ქართველებს; ვგულისხმობთ ბერძნებს, იტალიელებს, ესპანელებს, სრულიად ევროპელებს დაუჯერებელია, მაგრამ ისინი ჩვენთან ერთად მღეროდნენ „ბელა ჩაოს“ და „ბანდერა როსას“. გვიმღეროდნენ ჩვენ, უმღეროდნენ ჩვენი ოჯახის წევრებს ტელეფონითა და სკაიპით.

გვიმღეროდა უცხოტომელი მაშინ, როცა ჩვენი ოჯახის წევრებს ჩვენი სამშობლოში ცემდნენ, პატივს ყრიდნენ, კლავდნენ, გვაძებნენ (!) უღიერად ექცეოდნენ...

ჩვენ ყველამ ერთად მოვიტანეთ დღევანდელი საქართველო, ამიტომაც ყველა ერთად ვაგებთ პასუხს მის მომავალზე.

ამიტომაც გადავწყვიტეთ სამშობლოს ყველა საჭირობოროტო საკითხზე დავითათბიროთ, აზრები გავცვალოთ, ქართველ მეცნიერებს დავეკითხოთ, ევროპელ მეგობრებს რჩევა ვთხოვოთ და ასე, ფართო განხილვის შემდეგ რჩევები მივაწვდინოთ საქართველოს მთავრობას. ამ სამუშაოს სრული ციკლის სისტემატურად და ოპერატიულად შესრულებისათვის გადავწყვიტეთ შექმნათ სპეციალური საიტი, რომლის საზოგადოებისათვის წარდგენას უახლოეს მომავალში შევძლებთ. ჩვენ დარწმუნებულნი ვართ, ასევე შევძლებთ ტელევიზორცეში ფართოპლანიანი მუშაობის გაშლას და ამის სურვილი საქართველოს არაერთ ტელევიზიასაც გაუჩნდება.

ერთი სამშობლოს ერთ ბედქვეშ მყოფთა ხვედრი სულაც არ ნიშნავს, რომ ჩვენ ერთნაირად ვფიქრობთ. მიუხედავად პოლიტიკურ შეხედულებათა მონაიკური სიჭრელისა, ცნობილ მიზეზთა გამო აქ განსაკუთრებულად და ზუსტად ვგრძნობთ საქართველოში მიმდინარე პროცესებს. თუ ვინ ვინ არის, ვინ რას ფიქრობს, ვინ რას აკეთებს სამშობლოსათვის. ჩვენ მივესალმებით იმას, რომ საქართველოშიც დაიწყო ამ საკითხებზე დიდი დისკუსია მეცნიერთა შორის, მივესალმებით ამ მიზნით შექმნილი მეცნიერთა სადისკუსიო დარბაზის პათოსს და ვუერთდებით ამ საქმიანობას.

სრულიად ქართველნი პირველი ოქტომბრის წინა პერიოდში გაგვეერთიანა განსხვავებულთა ერთობამ. ერს დღესაც იგივე ერთობა სჭირდება, პირველი ოქტომბრის პროცესი არ დამთავრებულა, პროცესი გრძელდება და გრძელდება არანაკლები სიმწვავეით.

დღეს რატომღაც მოდაში შემოვიდა პოლიტიკოსთა ლანძღვა. საშიშია არა პოლიტიკოსი, არამედ სახელმწიფოს საქმიანობაში პოლიტიკოსთა ჩართვის მახინჯი პრაქტიკა: – ბებერ ვეროპაში არ ირჩევენ უცნობს, საქართველოში კი არ ირჩევენ ნაცნობს – აი, ტრაგედია თანამედროვე ქართული სახელმწიფო მმართველობის სისტემისა, აი, ტრაგედია თანამედროვე ქართული პოლიტიკური და ძალად პოლიტიკური სპექტრისა; აი, ტრაგედია ქართული სახელმწიფოსა, რომელიც ამ მიზეზთა გამო უკვე ორი ათეული წელია გრძელდება.

ქვეყანა დაღუპეს არა პოლიტიკოსებმა, არამედ პოლიტიკანებმა არა პროფესიონალიზმითა და უპასუხისმგებლობით, გაუმაძღრობითა და უცხოელ პატრონებისადმი მონური მორჩილებით. ისინი დღესაც დამღუპველი გზისაკენ ქვეყნიან საქართველოს ყალბი დასავლური იდეალების ქადაგებით.

ჩვენ ვეროპაში ბევრი ისეთი რამ ვნახეთ, რაც სასიცოცხლოდ აუცილებელია საქართველოსთვის. მზად ვართ ეროვნულ ფესვებზე მდგარ დაბრძენებულ, როგორც ჩვენში ამბობენ – დაღვინებულ, გონიერი და პროფესიონალი პოლიტიკოსებისა და მეცნიერების ერთობლივ გუნდს გადავცეთ გამოცდილება, გვერდით დაუდგეთ მათ განხორციელებაში, მით უფრო, რომ სპეტაკ და მართალ ქართველ პოლიტიკოსებს უცხოელი მფარველები არ ჰყავთ და არც ქვეყნის შიგნით წყალობენ დიდად.

პროფესიონალიზმი, პატიოსნება, პატრიოტიზმი – აი, სამი კოლოსი, რომელზეც უნდა იდგეს ქვეყნის ბედზე მზრუნველი ნებისმიერი ჯგუფი, თუ პიროვნება.

ერის სულიერ მამამ და ბრძენმა მოძღვარმა სრულიად ქართველთა ამ დღეებში ერთხელ კიდევ მოგვიწოდა სამშობლოში დაბრუნებისაკენ. ყოველი ქართველის ისტორიული მოვალეობა და საზრუნავიც ეს არის. მაგრამ დაბრუნება უნდა მოხდეს ღირსეულად, ისე, რომ სიძნელები არ შევუქმნათ სამშობლოს. ამისათვის, ჩვენი აზრით საჭიროა დიდი მოსამზადებელი სამუშაოს ჩატარება:

პირველი - მიგრანტებს უნდა დაგვიბრუნდეს სამოქალაქო უფლებები, სრულფასოვანი მოქალაქის შერბინება, შელახული ღირსება. ჩვენ არა მხოლოდ იმ არჩევნებში უნდა მივიღოთ მონაწილეობა, რომელიც კონსტიტუციით თითქოს გარანტირებული გვექნება, არამედ ვეროპული ქვეყნების დარად უნდა მოგვეცეს უფლება მაჟორიტარი დეპუტატები ავირჩიოთ იგივე წესით, რა წესითაც ისინი აირჩევიან სამშობლოში. თუმცა ამის იმედი ნაკლებად გვექნება, ვიდრე თავად ქვეყანაში არ აღდგენილა აფხაზეთისა და სამხრეთ ოსეთის ადმინისტრაციული ერთეულების მაჟორიტართა ქვოტები – ამ მიწებიდან დროებით იძულებით გადაადგილებული ადამიანებიც და იქ დარჩენილებიც ხომ ჩვენი ქვეყნის შვილები არიან, მხოლოდ, ჩვენივე სამშობლოსგან დროებით მოკვეთილი ტერიტორიებიდან;

მეორე - ქართველი და აფხაზი დაბადებისთანავე საქართველოს მოქალაქე იყო ისტორიულად, ეთნიკურად, ფსიქოლოგიურად, სოციალურად, ვინაიდან არც ქართველს, არც აფხაზს, არასდროს არ ჰქონია სხვა სამშობლო, გარდა საქართველოსი. ამიტომაც, მიუხედავად დროებითი ტერიტორიული პრობლემებისა, ყოველი ქართველი, ყოველი აფხაზი, დაბადებისთანავე იურიდიულად უნდა

ჩაითვალოს საქართველოს მოქალაქედ. საჭიროა ამან თავისი ასახვა ჰპოვოს ქვეყნის უმაღლეს კანონში – საქართველოს კონსტიტუციაში;

მესამე - საქართველოს მოქალაქის მიერ სხვა სახელმწიფოს მოქალაქეობის მიღების შემთხვევაში, პიროვნებას არ უნდა ჩამოერთვას თავდაპირველი მოქალაქეობა, ვინაიდან ქართველი, სადაც უნდა იყოს, ყველგან ქართველად რჩება; ვინაიდან, საქართველოს არ ჰყავს დასაკარგი შვილი... აქედან გამომდინარე, საჭიროა უმოკლეს ხანში პარლამენტის მიერ შესაბამისი საკონსტიტუციო ცვლილების დამუშავება და მიღება.

მეოთხე - საჭიროა საქართველოს მთავრობამ მიიღოს შესაბამისი ზომები, რათა მის მოქალაქეებს იგივე უფლებები ჰქონდეს უცხოეთში, რა უფლებებიც გააჩნიათ უცხოელებს საქართველოში. ჩვენ კი ძალიან კარგად ვიცით, რა პირობებია შექმნილი საქართველოში უცხოელთათვის, მათ შორის, ზოგჯერ საკმაოდ საეჭვო პირობისთვისაც. უცხოეთში ადგილობრივი მთავრობებისაგან და მოქალაქეებისაგან ჩვენ ვნახეთ ბევრი სიტბო, თანადგომა, ყურადღება... და ეს მაშინ, როდესაც თავად ამ ქვეყნებში სერიოზული ეკონომიკური კრიზისია. ჩვენ აქ ვეზიარეთ ჭეშმარიტ ვეროპულ ღირებულებებს, ნამდვილ ადამიანურ უფლებებს და არა პოლიტიკოსთაგან თავსმოხვეულ ყალბ იდეალებს. გავიცანით კაცობრიობის ცივილიზაციის სათავეებთან მყოფი ბერძნების, იტალიელების, ესპანელების და მთლიანად ევროპის კულტურა, პოლიტიკური და ეკონომიკური ურთიერთობები.

მეხუთე - ჩვენ უცხოეთში გადავადრინა; ჩვენ გადავადრინეთ ჩვენი ოჯახები; ჩვენ დაგროვილი გამოცდილებით, ცოდნით, ადამიანური ურთიერთობებით შეგვიძლია გადავადრინოთ სხვები, თუ ამის რეალური სურვილი და პოლიტიკური ნება ექნება საქართველოს ხელმძღვანელებს. ამისათვის კი, უპირველესად საჭიროა სამუშაო ადგილები. სამუშაოს გარეშე, ყოველგვარ დემოკრატიანზე, კეთილდღეობაზე, წინსვლაზე ლაპარაკი სულ ფუჭი საქმე და თვალბრუნებელი ნაცრის შეყრაა. ჩვენს შორის არიან ადამიანები, რომელთაც შეუძლიათ უცხოელ მეგობრებთან ერთად საქართველოსა და უცხოეთში შექმნან ქართველთა დასაქმებისა და საქართველოსათვის სიკეთის მომტანი ერთობლივი ობიექტები. ყველა ახალ საქმეს კი თავდაპირველად დაფინანსება სჭირდება. საჭიროა დასაწყისისათვის თუნდაც 300 -400 მლნ ევროს გამოყოფა, რაც ქვეყანას არათუ მძიმე ტვირთად დააწვება. ერთი-ასად დაუბრუნდება კიდევ. სასურველია, ამ ფონდის შექმნისას გათვალისწინებული იქნას მიგრანტების, მეცნიერებათა აკადემიის და საქართველოს ეკლესიის მოსაზრებები დასაქმიანობაში ჩაბმის სურვილები.

ხაზგასმით ვამბობთ, ეს იქნება სამშობლოში თანამემამულეთა დაბრუნებისათვის შექმნილი ფონდი, რომელიც მოხმარდება არა ერთეულთა პირობების გაუმჯობესებას, როგორც ეს ათწლეულის მანძილზე ხდებოდა, არამედ უმუშევართა დასაქმებას, ქართულ ეკონომიკაში დასავლური გამოცდილების შემოტანას ისევე ქართველთა მიერ, უცხოელი მეგობრების გონებისა და მატერიალური სახსრების გამოყენებას საქართველოს საკეთილდღეოდ, ქართველ ერსა და ევროპელთა შორის ეკონომიკური ურთიერთობებისა და ნამდვილი სახალხო დიპლომატიის განვითარებას, რაც პირდაპირ არის დაკავშირებული ჩვენს აფხაზ და ოს ძმებთან ტრადიციული ურთიერთობების აღდგენასთან.

* * *

ქართველ მიგრანტთა სრულიად ახალ მოძრაობას ჩვენ ვიწყებთ მსოფლიო ცივილიზაციის კერიდან, მიუხედავად და ოლიმპოს კულტურის მწვერვალთან, ზევსისა და ოდისევსის მშობელი ხალხის მიწიდან, „არგოს“ ამგები ხალხის სამშობლოდან.

ეს მოძრაობა თავის გაგრძელებას პოეზის ანტიკური რომის ნანგრევებზე აღმოცენებული მსოფლიო რენესანსის აკვანში, დღემდე მიუწვდომელი სილამაზის შემქმნელი იტალიელი ხალხის სამშობლოში შეფარებულ ქართველთა შორის.

იმედია, თავის სიტყვას იტყვის დიდ ზღვაოსანთა და მეცნიერთა ესპანეთის ქართველობა; მსოფლიო ბომონდის სულისა და გულის, საფრანგეთის ქართველობა; ჩრდილოეთ ევროპის სიცივით გამთბარი ქართული ემიგრაცია...

უდიდეს მხარდაჭერას ველით ორ კონტინენტზე გადაჭიმული მეზობელი თურქეთის ქართველობისაგან; ვფიქრობთ, განსაკუთრებულ სიტყვას იტყვის ერთმორწმუნე რუსეთში მცხოვრები ასეულ ათასობით ქართველი...

ჩვენ ვიცით ერთმანეთის განწყობა. ვიცით ჩვენდამი იმ ქვეყნების თანადგომა, სადაც შევიტანეთ ქართული სული, კულტურა, ურთიერთობათა სიტბო და სანაცვლოდ მივიღეთ ყოველივე საუკეთესო, რაც ამ ხალხებს გააჩნიათ.

ჩვენ დღეს ამ ქვეყნებში საქართველოს სრულუფლებიანი დესპანები ვართ.

* * *

ამჯერად სამშობლოს ჩვენი თანადგომის სულ სხვა ხარისხი სჭირდება. დღეს საკმარისი აღარაა ფიზიკურ გადარჩენაზე და სამუშაოს ძებნაზე ფიქრი. სამ-ოთხ თვეში ჩვენ შევძლებთ შევკრიბოთ უცხოეთში მცხოვრებ საქართველოს მოქალაქეთა ფართო წარმომადგენლობა, რომელიც თავის სიტყვას იტყვის საქართველოს მომავლის განსაზღვრაში. ამ იმედს აძლიერებს ქართული გენის ზეიმი ევროპულ კულტურაში, მეცნიერებაში, სპორტში. ჩვენ გვერდით დგას ქართული წარმომავლის არაერთი წარმატებული და დიდი პიროვნება, რომელიც მოღვაწეობს ევროპისა და ამერიკის სამეცნიერო და კულტურულ ცენტრებში.

ევროპამ გვასწავლა, რომ ქვეყანას უნდა მართავდეს ხალხი, და არა პოლიტიკოსთა ჯგუფი, თუნდაც უცხოეთის მაღალი წრებიდან მხარდაჭერილი... და არა პოლიტიკური ბელადი, თუნდაც ყველაზე წარმატებული პიროვნება.

ევროპულმა ურთიერთობებმა ჩვენ გვასწავლა მთავრობისადმი მხარდაჭერაც და მთავრობისაგან ადამიანური პირობების უზრუნველყოფის მოთხოვნაც.

ჩვენ, სამშობლოსაგან და ოჯახებისაგან დროებით განშორებულთ, სამშობლოსა და ოჯახების გადარჩენის სიამაყით აღვსილთ, ამისათვის უცხოეთში ცხელ ოფლ და სიმწრის ცრემლდაღვრილთ, განსაკუთრებული თანადგომაც შეგვიძლია და წინააღმდეგობაც. ხალხის ძალა ხომ ერთობაშია!!!

*** შენიშვნა:** დოკუმენტი წარმოადგენს დინამიურად ცვალებად ტექსტს, რომელიც სარედაქციო ჯგუფის მიერ სისტემატურად ახლდება ევროპის სხვადასხვა ქვეყნებში მცხოვრები საქართველოს მოქალაქეთა სათვისტომოების შეკრებებზე გამოთქმული სურვილებისა და წინადადებების კვალობაზე

მისამართი: 0179, თბილისი, ლაშაშვილის ქ. № 4
ტელ.: 443 446; 8 (90) 40 54 55;
ფაქსი: 443447
ელ-ფოსტა: tetrebigeorgia@gmail.com;
ვებ-გვერდი: www.tetrebi.org